

續修
濟陽縣志

新野縣六通志
第十一冊



濟陽縣志第十二冊目錄

卷十九 藝文志

詩 附細目

詩餘 附細目

著述篇目

卷二十 軼事志

雜記

祥異

附記

濟陽縣志

第十二冊目錄

藝文志

詩 詩餘

細目

詩

濟水澄波

闕名

韶臺遠眺

古栢蒼煙

奎樓夕照

蘇橋曙色

祠堂夜月

禪塔晚燈

靈泉黑霧

濟陽縣志

卷十九 藝文志

細目

歸來堂自述

黃○臣

新秋高方伯念吾自晉陽入賀

邢侗

詠郭節婦

吳山

前題

代藩愚菴

前題

陳瑛

前題

前人

同郭外翰郭葉二山人飲翠微亭

王道定

迎春日陪周師過飲侯將軍新第

魯辛

構亭

江南

寄任方梅金温其讀書山寺中

高有恆

寒食邀張老師濟水泛舟^四

前人

登聞韶臺

王良相

題畫

邢澤

雪中有懷

郭洙

秋日同友人登文昌閣

董養聰

贈張蒿菴昆季

王琢璞

題斯馨館

前人

夏日稷若過臨賦以謝之

邢其諫

乙卯夏日重過稷若先生書堂奉贈

顧炎武

聞張稷若訃

前人

濟陽縣志

卷十九 藝文志

細目

二

送魯雲松博士遷鄆城掌教

于慎行

歸里邢信卿以詩報贈依韻却寄

李祝

夢張稷若

王言從

讀蒿菴閒話題贈

前人

己酉冬初訪張稷翁

尹天民

夜夢張稷若

王視遠

春亭雨坐

前人

雨霽

艾元徵

旋里逢初度言懷

前人

聞濟河水漲有感

前人

夏日諸公攜酒過小園雅集

前人

贈艾長人司寇

魏象樞

馬坡懷古_二

艾元衡

過韶臺

王鉞

告假回籍養病_二

艾恂

久旱大雨霑足

前人

送司徒明府歸里

曾聞詩

前題

孫嶙

前題

任修儒

謝邑侯郎夫子惠米_{并序}

薄公玫

濟陽縣志

卷十九 藝文志

細目

三

壽節孝王孺人

袁齊敞

前題

前人

仲春日濟水泛舟

王喬年

和艾大司寇雜感原韻

王觀占

送邑侯成夫子調任魚台

高之璿

送曾明府歸里

王介禧

夏日漫興_{迴文}

前人

柳煙

高之璐

松雪

前人

初過曲隄謁聞韶臺

艾光縉

濟陽官舍除夕前一日立春分得官字

胡德琳

安寓居士自作 并跋

張爾岐

夏日閱邸報柬張稷若

王言從

弔王百斯侍御及夫令子

前人

聞左蘿石盡節賦此遙酌之

前人

送高憶繩之任黃岡

前人

送艾司徒祀中嶽還朝

前人

春日游河干晴眺

前人

解館贈諸生

周漪園

陰雨彌旬齋室皆漏立冬前夕雲收月朗喜而賦此

濟陽縣志

卷十九 藝文志

細目

四

前人

赴鎮原任過潼關登樓有感

周新邦

欲譜新聲 并序

周觀濤

癸丑九日鞏濟樓落成讌集書懷 四并序

魏禮焯

登鞏濟樓有感

前人

詠俎孝子星魁守墓

李長清

前題

劉金鏞

詠傅節婦

前人

己巳仲秋登千佛山

前人

送張北垣起復引見

前人

弔烈婦李趙氏^二

王景禧

哭長女李趙氏苦節^三

趙殿珽

奉和趙姻叔哭長女詩^三

蕭連璧

奉和趙世台哭長女詩^三

王福五

九月下澣書齋聯句

前人

贈別樂賢堂諸生

前人

答周生師鎬餞別

前人

答周生丹墀餞別

前人

別諸生

前人

讀士香主人詩集率成一律卽以奉贈

前人

濟陽縣志

卷十九 藝文志

細目

五

接讀錫之夫子賜詩復酌一律

士香主人

詠東孫耿鎮八景

李鴻佐

庚子秋八月八國聯軍攻入北京聞而作此^八

高餘椿

遊濟水有感

高慶陞

清明日偕許使君玉瓚登千佛山對飲自吟

前人

傷懷

賈春霆

詠邾城

張依渠

栢雲卿太史見訪二首

前人

古著城

前人

聞韶臺

前人

詠文殊寺靈泉黑霧

前人

詠郭家屯孔廟

前人

詠堞石橋

前人

觀峨吟_二

黃臣

贈別張廣文繼窗_二

王琢璞

憶成都嚴君平揚雄宅

李生麟

謁聖林

楊文郁

暮春

魯辛

新河

前人

重陽後邢信卿過訪

高有恆

濟陽縣志

卷十九 藝文志

細目

六

聞韶臺

侯加乘

秋日濟水泛舟_二

尹亨

和邢信卿郊行懷舊

楊泰

答迴河慈光寺僧

楊巍

信卿曩寄秋懷詩有鄙懷堪自笑之句客或戲論其何所笑因

成一絕

王琢璞

登聞韶臺_二

尹應允

寄白下友人

王言從

偏涼亭卽事

艾元徵

濟陽道中曉行_二

閔鶚元

八景詩

李師琇

題胡書巢明府壯遊詩草

沈世煒

奎樓曉望

章承茂

過錦里懷少陵_二

李生麟

過卓氏里_二

前人

草玄亭

前人

晚過王嬙里_二

前人

敬題中江書壁_{并序}

前人

詠俎孝子星魁守墓

王匯川

題畫生菜牡丹

劉金鏞

濟陽縣志

卷十九 藝文志

細目

七

詠秋海棠

前人

詠桃

前人

贈別義學諸生

前人

別楊子明

王福五

贈別周揚廷東君二首

前人

聞築津浦鐵路而作此_四

張依渠

丙申科試聞捷二首

前人

身世八詠

張依泮

雜亂八詠

前人

時事八詠

前人

新世八詠

前人

家世雜詠

前人

詠鄺塚

席貫一

輓烈婦李趙氏八

陳星爛

詩餘

題髑體圖次梅花道人韻沁園春

張爾岐

杜宇滿江紅

前人

夏杪至濟邑寄懷館陶張淡菊憶舊遊

何明禮

題濟陽李烈婦調寄壺中天

單朋錫

前題調寄滿江紅

楊兆蘭

濟陽縣志

卷十九 藝文志細目

八

有感

前人

贈友

前人

九秋過錦里

李生麟

弔烈婦李趙氏

王鉞

歎世浪淘沙 關邪說 光緒三十四年作

張還午

有感

前人

家訓

前人

田家樂歌

張依泮

濟陽縣志卷十九

藝文志

詩

七言律詩

濟水澄波

舊志
闕名

渺渺仙源碧一泓却看迢遞轉孤城煙波深鎖蒼龍動風日偏宜
彩鷁橫影接長空天際暝光涵白練望中平臨流漫有乘槎興歌
罷滄浪萬古情

韶臺遠眺

凌空殿閣逼星台極目中原掌上迴下里於今虛大雅薰風猶自

濟陽縣志

卷十九 藝文志

詩

一

遶高臺雲飛曠野清陰合霧散南山霽色開彷彿韶音一派落悠
悠千古此徘徊

古栢蒼煙

昂藏古栢自何年老幹亭亭半倚天蒼翠春來偏雨露驕陽晴散
滿風煙乍驚紫氣蓬萊近更有愁雲歲月懸撫景沾衣思往事貞
姿勁節兩綿綿

奎樓夕照

斜陽高閣影婆娑搔首青天足放歌繞檻山光迷大地憑欄樹色
散清河孤城葱鬱祥煙滿萬里蒼茫瑞氣多自是文星成勝槩海
東鵬翮近如何

蘇橋曙色

小橋寒色日蕭蕭
夾道重楊入望遙
晴曉半懸東海照
彩霞高掛赤城標
一泓水色空澄澈
萬里嵐光欲動搖
惆悵子卿何處去
荒涼橋畔滿漁樵

祠堂夜月

盈盈片月滿孤城
學士祠中夜自明
粉堞清輝連紫氣
古碑荒蘚隱長庚
文章獨擅千年調
事業還高萬古名
欲向風塵尋舊跡
幾番長歎不勝情

禪塔晚燈

禪塔峻嶒幾度秋
一龕燈影夜光浮
白雲半插遙光迥
清鐸初鳴

濟陽縣志

卷十九

藝文志

詩

二

下界幽地敞風塵
留舊跡天開形勝枕高邱
回頭嘯傲千年事
消盡浮生萬古愁

靈泉黑霧

繞潭煙霧曉陰陰
却信淵泉百尺深
雲合遠搖天際影
風生乍起海潮音
有時靈氣頻來往
盡道蒼龍亘古今
願得長空神變化
飛騰萬里普甘霖

以上詠
八景

歸來堂自述

黃 臣

謝政歸來倏及年
尚能飲井尚食田
題詩慣泚煙霞筆
載酒常乘猿鶴船
夢裏河山窮管領
閒中風月醉招延
欲標樂志無佳論
百歲行藏在此天

新秋送高方伯念吾自晉陽入賀

明 邢侗

路轉虎祁驛騎連使君結束去朝天圻花間旆秋猶麗玉節衝飈
客若仙三殿日開霑舜酒八方嵩祝慶堯年小臣林壑多高枕微
物應知聖澤偏

詠郭節婦

明 吳山

儒門淑德性貞良夫喪重泉整婦綱丹詔輝煌昭日月清操凜冽
瑩冰霜斷機示教稱軻母丸膽垂惟有郭娘撫字登庸居顯位源
清流潔見遺芳

前題

代藩愚菴

坐閱人間八十秋更看福景永優游朝廷寵渥來丹陛太史文章

濟陽縣志

卷十九 藝文志 詩

三

重栢舟堂北萱花呈晚秀海中仙客益新籌韶臺行見登樞要重
有恩光下鳳樓

前題

明 陳瑛

藁砧相背自青年有志居孀玉石堅節操肯居行輩下旨甘惟奉
舅姑前苦辛七十心無倦紡績尋常夜不眠不有長民賢令尹一
封誰奏九重天

前題

前人

四十年來獨處孀此身端不媿共姜膝前孤子渾無憾地下良人
亦有光鸞鏡舊藏千古月蛾眉新帶九秋霜安能太史如椽筆寫
入青編萬世香

同郭外翰郭葉二山人飲翠微亭

明 王道定 邑人

黃葉蕭蕭下翠微
開樽暢飲對斜暉
談詩驚吐風雲氣
品畫應參天地機
千里故人慚有分
一番新話喜相依
乾坤寥廓容疎散
夜半長吟笑自歸

迎春日陪周師過飲侯將軍新第

明 魯 辛 邑人

迎春簫鼓動山城
又見春光媚眼明
彭澤壺觴尋舊賞
嫋姚甲第賀新成
衝寒柳色全無賴
入節梅花倍有情
共向春風占歲稔
儘拚擊壤頌昇平

構亭

江南

小作園亭只數椽
旋移松竹滿亭前
雨滋草色侵堦上
風送花香

濟陽縣志

卷十九 藝文志 詩

四

到枕邊簾戶稍依
諸葛陋琴書深得
子雲偏一枝棲息
無餘羨閒倚蓬窗
覈太元

寄任方梅金温其讀書山寺中

高有恆

雨晴寒色滿空山
怪得棲遲久未還
索句乍驚雲散亂
翻書但聽水潺湲
榻懸明月心偏遠
簾捲清霜夢亦閒
悵望一番高興發
便思攜酒扣禪關

寒食邀張老師濟水泛舟

前人

雨後殘紅濕欲飛
船頭花氣正霏微
笛聲亂落鶯聲轉
雲影搖涵樹影稀
入座青山堪佐酒
親人白鳥已忘機
停橈散步長林下
弱柳垂垂隱釣磯

其二

漁歌徐起綠波間
載酒乘風醉不還
彩筆生春工作賦
勝遊隨意可開顏
奇英香散烟雲老
遠岫雲橫天地閒
忘却浮沈身外事
已將吾道付潺湲

其三

移舟欲向落花前
風急潮生水拍天
乍覺神遊雲漢外
却疑槎泛斗牛邊
樽開新艷春爲酒
柳拂層厓草似煙
泉水朝宗歸海若
臨流誰不羨張騫

其四

盈盈水色映芳辰
花鳥隨舟自得春
鼓枻祇應恣咏嘯
傳杯那復

濟陽縣志

卷十九

藝文志

詩

五

問風塵未將駿骨酬
知己肯向鷗羣作主人
爛醉欲狂歸棹晚
片帆高掛月痕新

登聞韶臺

明

王良相

冬日登臨古樂臺
素王遺迹幾徘徊
蕭蕭寒野餘天籟
寂寂荒邱歷劫灰
可歎鳳凰千載逝
那禁麟兕一時哀
誰知海國成奇邁
直到而今誌草萊

題畫

邢澤

不盡清流號五湖
何人移入畫中圖
半山寂寞疑禪室
三徑荒殘有敝廬
萬仞峯尖連碧漢
千尋木幹插冰壺
誰知靜裏乾坤在
宇宙江河此外無

雪中有懷

明 郭 洙 邑人

狂風白晝雪生涼，獨傍銀槽對酒香。
流水高山通信少，孤琴短劍寄情長。
不愁名字無人道，只恐鶯花爲我忙。
坐久寂寥春漠漠，柴門爭似謝家莊。

秋日同友人登文昌閣

董養聰 邑人

清秋臺上一凭欄，落日蕭蕭萬里看。
天際遠浮千樹暝，城頭不散五雲寒。
自驚高曠絕塵事，莫道風流傲世難。
況是詩成歌白雪，憑君酬和盡餘歡。

贈張蒿菴昆季

王琢璞

蓬蒿沒徑白雲深，有客翻書日苦吟。
列几千函環帶草，披裘五月

濟陽縣志

卷十九 藝文志 詩

六

芥遺金哺巢欲洒，慈烏血填海空懸。
精衛心難弟高標，堪競爽雙珠玉樹滿庭陰。

題斯馨館

王琢璞

佳樹菁葱雲一窩，精廬共指考槃適。
隱囊徐坐林中靜，緜帙閒翻架上多。
主興頻同客興劇，人聲時雜鳥聲歌。
只今風月無提領，署爾新銜可若何。

夏日稷若過臨賦以謝之

邢其諫

有客來臨倒屣迎，炎天作爽喜班荆。
開樽落落無兼味，揮麈超超不世情。
茹古涵今誠奧博，蓑雲笠雨識幽貞。
幸依叔度爲師表，別去能無鄙吝生。

乙卯夏日重過稷若先生書堂奉贈

顧炎武

緇帷白室覩風標爲歎斯人久寂寥濟水夏寒清見底石田春潤
晚生苗長教六籍傳無絕能使羣言意自消竊喜得逢黃叔度頻
過聽講不辭勞

聞張稷若訃

顧炎武

歷山東望正淒然忽報先生赴九泉寄去一書懸劍後貽來十襲
絕韋前君有儀禮句讀十卷錄副畀余衡門月冷巢鴛室墓道風枯宿草田從此
山東問三禮康成家法竟誰傳

送魯雲松博士遷鄆城掌教

明 于慎行

漢家博士雅傳經忽訝銜魚落講庭五月梁園塵似雪十年魯壁

濟陽縣志

卷十九 藝文志

詩

七

鬢如星鄉心芳草從前綠客味寒氈依舊青此日諸生同祖道驪
駒歌斷不堪聽

歸里邢信卿以詩報贈依韻却寄

李 祝邑令

郊居喜作捕魚人無數桃花夾水濱三載別來頻悵望一緘重到
見情親棠陰尙愧當年政梅信聊傳此日神東海鵬搏驚九萬故
人有賦奏楓宸

夢張稷若

王言從

許時未見張平子勞思切切入夢長具有冰心餐沆瀣雅多慧業
富文章牀頭不夜明珠色斗際如虹寶劍光養得垂雲滄海曲天
風一起遠翱翔

讀蒿菴閒話題贈

王言從

遶舍蓬蒿只著書尋常瓶粟亦空如澹懷自與塵情遠雅志惟將
古道儲綵舞北堂時侑膳嚶鳴深巷幾停車卽今耳順稱聞者日
狎江湖不羨魚

己酉冬初訪張稷翁

尹天民

數載相期共隱淪獨慚僕僕向風塵嘗來鷄肋無多味踏却鴻泥
訪故人奚童門外如含笑幽鳥簷前似帶嗔依舊青山君是主只
愁別後少爲賓

夜夢張稷若

王視遠

秋水澄清之子神相應老衲是前身龜遲五總心多竅鷄養三年

濟陽縣志

卷十九

藝文志

詩

八

氣轉馴盡剗雕鐫非世態雅宗澹樸近先民寒齋雪後無餘事手
種梅花待蚤春

春亭雨坐

王視遠

獨坐春亭百慮侵忽來好雨澹幽襟映林飄灑添新潤傍檻霏微
弄晚陰南國鴻書雲渺渺東皋鶴夢晝沉沉兵戈滿眼何時定不
盡商霖悵望心

雨霽

艾元徵

一抹長林鎖淡烟蕭疎佳氣隱平田夜簷靜透波心月晝戶遙開
水外天雲去山空晴漠漠風來鶴韻骨僂僂俗緣自信塵中靜不
學聲聞枯坐禪

旋里逢初度言懷

艾元徵

去年此日猶爲客初度今朝喜假還棋局每緣忙裏悞詩篇且付
靜中刪樽開白社情偏適意到青山夢亦閒浪引蓬瀛何處是門
前流水自潺湲

聞濟水漲有感

艾元徵

長河一線遶城流忽入崑崙萬壑秋禹甸遙聞沉竹榿漁田應自
現廬樓何堪海氣連空碧致使星槎接浪浮爲累馮夷休怒漲安
瀾好感聖明憂

夏日諸公攜酒過小園雅集

艾元徵

茅堂小築啓烟蘿佳客仍煩載酒過草木濃陰新綠潤軒窗清署
濟陽縣志

卷十九 藝文志 詩

九

午風多冰槳茗椀供揮麈玉局楸枰擬爛柯更愛廣庭明月好忘
形醉影共婆娑

贈艾長人司寇

魏象樞

刑措於今三十年還依北斗看長天尙書履曳金門上司寇風高
武庫邊自依白雲千樹影幾經赤棘半秋烟先生舊有持籌略何
日同揚聖主前

馬坡懷古

在孫耿鎮之東北六里相傳明成祖靖難兵南下牧馬於此

艾元衡

秋老霜華草際浮燕人曾此駐貔貅張巡空據金湯險趙括已深
社稷憂世有周公兵孺子朝無鼂錯亂諸侯於今載筆多南董一
字誅心萬古羞

其二

恨殺黃齊上計疎六州一錯覆皇圖幽燕師傅無枚叟江漢長城
誰亞夫細草總肥苑驤裹征魂長怨病於菟蕭蕭舊牧知何處指
點西風起野烏

過韶臺

王鉞

蒲帆處處掛晴暉辦得歸時纔是歸張翰不知何日到陶潛已覺
昨朝非數峯江上如林立獨鳥灘頭背水飛最是閒心無繫著聞
韶石畔莫沾衣

告假回籍養病

艾恂

綠蓑青杖出朱城古道長堤信步行抱病昔愁千里遠掛冠今覺

濟陽縣志

卷十九

藝文志

詩

十

一身輕浮雲歸岫晴川靜飛鳥還林夜月明遙指柴門何處是依
然五柳有蟬聲

其二

艾恂

秋日龍鍾百事煩單車別業避塵喧風吹遠浦堤邊樹日照長橋
塔後村場滿苔花登穀掃灣搖萍葉釣魚翻只除醉飽無餘事不
放閒愁得入門

久旱大雨霑足

艾恂

莫嫌雨澤到遲延神乳天留育晚田豆布新秧微帶露苗舒遠翠
徧含烟羽章飛報昇平象椽筆特書大有年處處農歌聲近遠四
方燕息聽虞絃

送司徒明府歸里

曾聞詩

到處絃歌依使君相憐意氣薄青雲
有時對飲忘天暮每坐談心
到夜分正快千秋成共濟何堪萬里話
離羣臨歧難定他年約鞏
濟樓頭日自曛

送司徒明府歸里

孫嶙

離情轉恨水潺潺祖道攀轅忍送還
治績於今留海岱文章後日
憶江關熙熙父老心同碎濟濟生徒淚
欲潛自此重逢無定日頻
勞清夢繞中山

送司徒明府歸里

任修儒

宵衣何事早登堂撫字羣黎儼若傷
但是簿書歸洗刷不教狐鼠
濟陽縣志

卷十九 藝文志 詩

十一

肆猖狂心因捧日常懸赤鬢爲憂民
已向蒼忽憶蓴鱸尋故里河
濱到處望甘棠

謝邑侯朗夫子惠米 并序

薄公玫 邑人

公玫 三歲失怙母紡績佐讀弱冠補弟子員
藜藿難充力
艱負米蒙 夫子月課拔第一歲給米十二石以供饗殮
幸免庚癸之呼愧乏瓊瑤之報敬綴蕪詞深銘雅意

索食修齡未乞憐書儲研隴冷雲烟何期白粲分官俸頓似丹砂
飽蠹仙范甑流珠寧併日曹倉饌玉卽豐年腹便慵寫顏公帖却
愧河干稼穡篇

壽節孝王孺人

袁齊敬

柏舟詩採供輜輪婦德原從見性真獨有貞心堅鐵石長將勁節
茂松筠機聲響澈三秋厲篝火燒殘五夜辛卽此奇操欣介壽曲
池桃獻歲千春

其二

婺星光照有餘輝婦職勤修願未違猶是代夫承菽水果然同子
舞萊衣蒼顏老去仍烏愛白露秋零自鵠飛卽此孝行欣介壽槐
門壺範正遺徽

仲春日濟水泛舟

王喬年 邑人

千里迢遙瀉素流尋芳探勝試輕舟半灣楊柳鶯聲滑兩岸桃花
燕語幽日射晴霞通水面風牽細纜過城頭客船漁火濠梁興三

濟陽縣志

卷十九 藝文志 詩

十二

十年來一度遊

和艾大司寇雜感原韻

王觀占

退食槐聲隔岸聞一堂清影映斜曛晨風吹散連江雨落日偏隨
暮嶺雲市果人憐桃李味庭花我愛桂蘭芬賞心更得同心友縱
酒談詩到夜分

送邑侯成夫子調任魚臺

高之璿

揮塵雲亭笑語親殷勤還爲指迷津一枝幸附春陽近五馬驚傳
寵命新夾袋盡收名下士瓣香常屬斗南人何當湖海分鯨浪天
外風雷震涸鱗

送曾明府歸里

王介禧

一曲驪歌酒數行紅亭秋色樹蒼蒼馬嘶北地踏霜渡雁入南天
帶月翔張掾江頭鱸膾美陶君籬下菊杯香攀轅此日情何極千
里雲帆正杳茫

夏日漫興

迴文

王介禧

濃陰綠樹繞東堂地僻幽棲夏日長峰外屋連橫黛翠水邊荷積
暗螢光溶溶月映書窗靜淡淡風生竹榻涼龍臥擬身閒是好慵
悚足意樂居鄉

柳烟

高之璐

邑人

春風吟遍綠楊叢淡抹輕烟畫不工隋苑夢迴雲靄韞章臺人醉
月朦朧燕纔掠影形難現鶯已調聲徑未通遙憶池塘深鎖處一

濟陽縣志

卷十九

藝文志

詩

十三

竿綸釣隱漁翁

松雪

高之璐

銀漢光搖似幙紗老松凝雪舞簾斜雲鋪翠葉形全隱絮貼高枝
屋半遮人過石橋驚月影鶴棲玉樹傲梅花龍鱗何處翻鯨浪滿
地風霜試煮茶

初過曲堤謁聞韶臺

艾光縉

高臺數里繞清溪古蹟留傳是曲堤六代宮懸惟備魯九成功德
却歸齊追維往聖心相契撫對高槐鳥亂啼今日肅容階下拜笙
鏞彷彿鳳翔兮

濟陽官舍除夕前一日立春分得官字

胡德琳

濟水波流歲欲闌韶臺春滿望中寬土牛色並旌旗麗竹馬聲聯
父老歡雪霽也期花作縣塵清幽憶錦爲官頌椒介壽他年事惆
悵東風獨倚欄

安寓居士自作

汗漫道人

張爾岐書并跋

人生到處可隨緣二滿三平過幾年富貴而驕多蘊變貧窮抱恨
轉增愆風花雪月休輕負妻妾兒女莫太牽古往今來都妄相賢
豪名在等浮烟

跋云安寓居士爲王俞之口號居士長於近體一日出此章索
不免樸率然安寓之安寓略見於此昔一團茅草之句陳水親
以隸書護其題壁觀者亦取其意則可耳

濟陽縣志

卷十九 藝文志

詩

十四

夏日閱邸報柬張稷若

王言從俞之

烈日祝融氣若焚高歌彈劍送斜曛鄙人藉蔭中山桂世態驚翻
海上雲禾黍油油秋有賴玄黃灑灑血無分如今那得銅盤露一
滴清涼好供君

弔王百斯侍御及夫令子

前人

三烈同縵繞畫梁生憎逆豎太披猖霾沈日月乾坤暗氣作山河
表裏長爲問蜉蝣那不死遙瞻箕尾有餘光田橫海島居原近千
古忠魂聚一鄉

聞左蘿石畫節賦此遙酌之

前人

今古綱常繫一身從容就義謝紅塵億千士類誰完節三百年終

只此人破碎乾坤收正氣紛飛霰雪見貞筠前朝曾有文丞相地
下遲君好結隣

送高憶繩之任黃岡

前人

頻年握手話平生忽報旌旄入楚行君藉黃岡伸驥足我仍濟水
結鷗盟風煙南北人千里夜月關山雁幾聲自昔良材稱國寶清
時那肯重連城

送艾司徒祀中嶽還朝

前人

聖主臨軒報太平天中先欲致寅清司徒自昔敷邦教宗伯於今
代祀行萬寶告成真瑞兆三花競秀豈凡英回朝好把風謠獻正
值春和又省耕

濟陽縣志

卷十九

藝文志

詩

十五

春日遊河干晴眺

前人

暗喜春光去復來一番景物出新栽樹呈烟媚遙堪挹鶯奏笙簧
不用催霽色瞳瞳開眼界清流脈脈靜塵埃東風依舊應相識况
有同人杖履陪

解館贈諸生

歲貢

周漪園

一堂聚首歷年多羨爾芸窗鐵硯磨人似青山真蘊籍氣如春水
抱中和文章當使留千古行誼休教遜四科寄語諸生加懋勉莫
將歲月等閒過

陰雨彌旬齋室皆漏立冬前夕雲收月朗喜而賦此

前人

十日陰雲一夕收中天月朗照樓頭清光乍覩人心豁排陣長征
雁影浮屋漏連宵常苦雨杯邀今夜尙爲愁來朝隣寺鐘敲罷嶺
上先開梅樹幽

赴鎮原任過潼關登樓有感

周新邦

朝下秦關暮過周攜愁獨上望京樓長城北枕三千里函谷西封
百二州坐對燕山情默默夢回濟水路悠悠憑欄極目縈心處安
得雙鳧共我遊

欲譜新聲 并序

周觀濤

按艾大司徒元徵有退食槐聲十二首艾徵一以擊竹作
聲和其韻覽之並美因以欲譜新聲和之以寫憤懣之氣

濟陽縣志

卷十九 藝文志 詩

十六

且明心尙未灰也

欲譜新聲思不窮總然譜就愧多風祖鞭常恐居人後盧夢何曾
入枕中每說柯亭藏韻竹誰從爨下識焦桐自今休問窮通理天
道應知曲似弓

其三

欲譜新聲聲更清鹿鳴何日可吹笙滿腔悲壯聊揮劍一着輸贏
如對枰阨閨黃楊常寄恨逢秋丹桂只留情誰能打得愁城破賴
有青州從事兵

其五

欲譜新聲恐似蟬幾曾落紙起雲煙花枝有意憐詩客蕉葉無緣

伴酒仙羞負嚴君經一卷空勞慈母訓三遷毒龍野馬競相逐不及闍黎靜坐禪

其六

欲譜新聲趁晚涼泠然傳韻自鏘鏘但開白眼觀蠶世不逐紅顏鬥豔妝月照樓頭稱老子風來窗下傲羲皇願將一寸良田地日耕耘不使荒

其九

欲譜新聲不厭頻行雲遏止豈無因百年事業水中月半世功名夢裏身抱愧乞來蒙正米行吟負去買臣薪曠觀千古英雄輩只論當前未必真

濟陽縣志

卷十九

藝文志

詩

十七

其十

欲譜新聲聲忘低高歌要自與雲齊誰人退食歸青鎖何氏封官拜紫泥猶向鷄窗終日坐寧知雁塔幾時題殷勤寄語太乙老可肯爲予燃夜藜

癸丑九日鞏濟樓落成讌集書懷

并序

魏禮焯

凜齋

營城克竣茲樓乃新適逢採菊東籬之期遂續落帽龍山之會既爲文一首敘其階之所以升爰賦詩四章記其登之自今始云

其一

雪泥鴻爪任東西作吏寧耽紫閣樓閱古危垣倚青漢出塵幽意

引丹梯岱宗秋色橫窗遠濟瀆風帆過眼低盡攬烟霞歸几席龍
山卽此共攀躋

其二

崇墉百堵報初城次第岑樓共畫楹祗藉散材支夏屋回看紅葉
染新城貽牟雨過千疇綠擣素風傳萬戶清臨眺躊躇刀未奏年
來慙愧割鷄名

其三

相逢笑口對花顏雅集聊偷一日閑未必開樽同北海居然採菊
見南山主人落帽狂猶古名士題糕句不孱飲罷憑欄獨凝望暮
雲無際鳥飛還

濟陽縣志

卷十九 藝文志 詩

十八

其四

女牆月上半輪秋露濯清輝豁遠眸斗柄自隨河漢轉玉繩不繫
古今愁驚烏繞樹求安止賓雁衝雲喚侶儔無限相思付清夢插
萸聯步北山頭

登鞏濟樓有感

前人

舊跡猶存始葺修我來乘興一登樓當窗雲樹千重列繞郭烟波
萬古流民鑑正應於水鑑目謀端合與神謀九秋却踐題糕約只
恐黃花喚白頭

詠俎孝子星魁守墓

翰林院檢討

李長清

數尺芳廬結墓旁崇封作伴最悽愴三年雨露雙行淚二老靈魂

一段觴意傲驚雷通捷徑情同悔過顧成湯關心悵望林香處符
瑞猶傳白鴿翔

前題

劉金鏞

日沒崦嵫長已矣廬居塚上倍淒其可曾篤得生前愛却自勾來
歿後思遊子興悲風樹慘孝兒呼母雨雷知一般孺慕根天性莫
把真情反笑癡

詠傅節孝

劉金鏞

一訂偕老忍生離靡忒心腸總不欺化石昔曾聞烈婦懸梁今復
見貞姬魂應不逐風雲散志更何求里鄰知褒語會須良史筆留
教巾幗式芳規

濟陽縣志

卷十九

藝文志

詩

十九

己巳中秋登千佛山

前人

昔曾冒暑汲龍泉數到今秋已十年任我來山山有我尋仙入洞
洞無仙才知奔競都黏俗強效恢諧亦是偏小坐憑軒欣啜茗聊
將心垢滌從前

送張北垣起復引見

前人

儕俗庸知遊宦樂大官每切濟時衷若苗歲早需時雨如水臣心
矢古風樹指栢臺堦上綠花探薇省日邊紅他年御藻題歸第書
錦堂開比魏公

弔烈婦李趙氏

莒州庚寅翰林

王景禧

燕泉

從來節孝兩難全寶婺光寒莫問天那有黃雛依膝下何堪白髮

拜堂前吞鉛未遂殉夫志仰藥終吟絕命篇取義成仁真大覺泉
原月影喜常圓

其二

玉樓歸去正英年長吉修文鬼亦仙珠樹摧殘聞苦縣輶軒採摭
報甘泉冰霜志氣今朝潔棹楔褒榮萬古傳地下貞魂堪慰藉嵇
山有石待題鐫

哭長女李趙氏苦節

趙殿珽

淑兒

乳名

素不事篇章却有天生血性腸但願倡隨爲史玉誰知

夭折作共姜灰心未亡人無主矢志相從勸愈剛頻使嚴慈揮淚
問果能含笑見夫郎

濟陽縣志

卷十九

藝文志

詩

二十

其二

一訣無曾話短長欲從泉下問其詳終教同死嬰花苦始恨回生
石粉香諄諄翁前求嗣續殷殷子輩散奩妝對人怕有凝眸淚俛
首悲傷命矣亡

其三

從容就義事非常遺恨翁家不密防初次驚心天墜地

氏夫凶訃至母張氏

泣曰吾兒自天墜地矣

兩番噩耗雪加霜

及氏自盡翁悲曰真雪加霜矣

魂歸泉下春秋住

事到人間姓氏彰賴有二三相契久也教蓬葦待旌揚

奉和趙姻叔哭長女詩

原韻

邑廩生

蕭連璧

和璞

由來節烈自含章一曲離鸞泣斷腸截髮銜悲羞令女髡髦遺恨

陋共姜山頭化石三生約崖下摩笄百鍊剛自古忠臣談節義而
今偏屬女中郎

其二

求嗣殷勤意計長安排後事對誰詳千條斑竹千珠淚一寸皮金
一字香銜石冤禽填恨海交根梓樹促愁妝仰天飲藥冰心抱愧
煞鬚眉翕歛亡

其三

奩分姒姊道家常就義從容莫可防歿後英靈堅鐵石生前苦節
勵冰霜隴西家道千秋貴天水門楣百世彰烈士輝增高士傳恩
綸疊次荷旌揚

濟陽縣志

卷十九 藝文志 詩

二十一

奉和趙世台哭長女詩

原韻

歲貢

王福五 錫之

遠寄三詩索報章知君一日幾迴腸班昭早寡悲曹壽穆伯纔終
失敬姜自誓靡他情盡苦相隨以去志徧剛忠臣烈士今何在大
節彰彰屬女郎

其二

爲憐天折恨春長豈是輕生未審詳季子不醒消鬱酒室人難覓
返魂香呼天仰藥調殘粉搶地摩笄委舊妝伴作芙蓉城裏主偕
行那顧命存亡

其三

捐軀守義振綱常省却閨門以禮防精衛化身填海石子規啼血

染冰霜親恩罔極憂空隱婦德安貞美益彰試看榮膺旌表後風
流百代且膺揚

九月下澣書齋聯句

前人

空齋日日事披吟瞥眼流光忽到今颯颯秋風驚客夢蕭蕭落葉
動鄉心征鴻已至書何在寒菊初開感倍深換得舊衣誰熨貼隣
家薄暮急霜砧

贈別樂賢堂諸生

前人

羣居樂業已三年欲別銜杯共惘然自愧明經譏白臘懽期學士
中青錢澄心靜對冰壺照致力忙將鐵硯穿莫道寒窗多寂寞前
途各自著先鞭

濟陽縣志

卷十九 藝文志

詩

二十二

答周生師鎬餞別

前人

蘭芳薰滿樂賢堂惟是知心可共嘗秀氣憑教安硯潤離懷未許
把杯忘年來雨雪催行色會際風雲盼化光欲別無他長物贈爲
吟伐木兩三章

答周生丹墀餞別

前人

旅舍分襟儘有情關懷總不若師生清風入室猶開帳舊雨迎車
別建旌此去難忘從學意將來遙聽讀書聲六經心醉何時解泮
水橋邊醒宿醒

別諸生

前人

晤對同堂氣藹然誰知兀兀竟窮年談經快誦詩三百學道融通

語萬千解帳藏書情已急攀轅投轄意空堅臨歧一別無他贈上
路青雲各著鞭

讀士香主人詩集率成一律卽以奉贈

前人

居停偶結代庖緣快讀詩家醉墨仙不足齋中談法律味吟館裏
化雲烟知君醞釀書香久絕代風流仕路傳蘭桂滿堂歡色笑和
聲依永樂天年

接讀錫之夫子賜詩復酬一律

士香主人

蒙賜詩箋快意吟恍彈一曲伯牙琴歌來流水行雲調聽到金聲
玉振音更見天髓參貫澈愈徵文脈飽淵深今秋定折蟾宮桂盼
到西風喜不禁

濟陽縣志

卷十九

藝文志

詩

二十三

詠東孫耿鎮八景

文廟碑

李鴻佐
輔宸

古來臨邑舊城池文廟於今只賸碑石峭有時曾落馬沙埋無處
可尋龜躊躇獨歎神靈杳彷彿惟留字跡奇對此荒涼多感觸秋
風蕭颯夕陽遲

三義廟

桃園三義至今傳殿宇巍巍望儼然地接尙書故宅近門開文廟
古碑前合歡一樹含秋雨薜荔雙牆鎖暮烟鐘磬驚人頻擊處聽
來聲入半空圓

文昌閣

街西舊閣有文昌可慘連天災被黃殿聳難當三尺浪水衝只賸
半邊牆斜窗遠射烟雲影古壁空餘日月光小渚清流今尚在風
梭織得細紋長

鎮武廟

鎮武從來鎮水方而今鎮水水偏狂七星旗外髮垂黑三尺劍前
浪滾黃巨浸汪洋圍四面殘碑高下列中央此時盡是泥沙落古
廟荒涼照夕陽

觀音堂

觀音大士舊祠堂宮殿參差傍夕陽荷葉碑前院宇小蓮花座上
慈悲長白雲在昔曾名洞黃水於今且渡航門外泥沙平又闢遊

濟陽縣志

卷十九

藝文志

詩

一二十四

人到此感蒼涼

八稜碑

不見當年慧日寺空餘此地八稜碑舊鐘寞寂荒涼處孤栢蒼茫
掩映時面面模糊誰識認行行斷續易猜疑歐陽真跡須珍重愛
惜長留萬古垂

轉牆樓

尚書故宅賸高樓路轉牆中曲徑幽南對華山千仞峙東望濟水
一川流夕陽遠射空窗外古木斜依峭壁秋畫意詩情無限好四
圍雉堞晚烟浮

太湖石

村北尚書有故園太湖古石至今存照來紅日霞添影滾到黃流
漲起痕鳳翥鸞翔前度勢沙埋淤沒此時冤茫茫無限晴灘遠何
處探尋舊本原

庚子秋八國聯軍攻入北京聞而作此

邑廩生

高餘椿

紹文

其一

一夕烽傳九殿開清秋蕭瑟不勝哀中黃賁育難言勇太白櫂槍
已告災都尉近屯青鎖闥單于猶在白登臺中原鼎沸成何事痛
哭田橫島上來

其二

大漠奔濤起怪風河山搖落付飄蓬放青鐵騎來天表葬碧金蠶

濟陽縣志

卷十九

藝文志

詩

二十五

泣地中扶道瘡痍愴秋駕盈廷頭腦總冬烘書生漫建平戎策驅
鬼驅神道不同

其三

避穢傷心地一方不知人世有天堂舊傳加冕尊羅馬今見前車
到越裳觸蝮竟忘先斷體墜鴻祇爲夙經創眼前浩劫知誰拯欲
挽強弓射突狼

其四

洋洋黃海巨波橫一角蝸廬接上京忍見更衣服典午可能遷鼎
作盤庚雲蒸勃勃赫連土日照沈沈藿涉營自古主憂臣且辱長
安回首淚如傾

其五

連鷄聞已下重城猶說金人海上盟
倍道師臣援北府中原王氣見西京
五方雲霧分旗彩百里雷車走炮聲
天子已成孤注擲忍教浪戰九重驚

時李中丞鑑堂提軍北上旋戰楊村死之

其六

扶餘艘甲兩輪忙津要先通
析木旁十八天魔難拒虎六千君子等驅羊
龐公輿櫬生原鰲光弼鞞刀死未殭
怪得紙鳶無斷信輒

紅飛到帝衣裳

指慶邸奕劻聽信讒言

其七

彈雨槍林伏莽愁窮山引虎
古人憂一條玉帶淪三輔百道梯衝

濟陽縣志

卷十九 藝文志 詩

二十六

窳十樓坏土已成黃帝鼎
婺星忽耀紫微幽爾來神物癡頑甚龍可鞭笞鳳可饒

其八

蒙塵警蹕事長征誰抵崑崙地
軸橫赤手難扶天水祚漆頭空羨月支盟
露傾臺上銅仙掌潮打江干鐵甕城
墳墓十陵多戰血由來漢室重東平

遊濟水有感

邑庠生 高慶陞 級三

見說清陽興趣多品題山水竟如何
安排遠勢三仙島緊抱孤城九曲河岸上
日移桑樹影花間風迸棹人歌笙簧迭奏
鶯聲轉想像韶臺古樂和

清明日偕許使君玉瓚登千佛山對飲自吟 高慶陞

使君春興滿梯袍彩筆青山對濁醪
望去烟迴雙闕迴坐來雲淨
一峰高蛟龍出入常風雨鴻鵠翻飛自羽毛
雅興闌珊言不盡且
攀桂樹詠離騷

傷懷

己酉拔貢 賈春霆 震卿

蹉跎翰墨到於今二十年來志未伸
世路幾經悲往事天涯何處
遇知音途窮枉下英雄淚才拙空懷壯士心
惟有毛錐堪共語興
來振筆寫胸襟

詠邾城

邑歲貢 張依渠 石閣

邾國原來舊濟陽清河貫濁變爲黃
塗山執玉星棋布亢父留亭

濟陽縣志

卷十九 藝文志 詩

二十七

譜牒彰事載麟經今草蔓城傳雉堞
半煙荒塚名霹靂祠間望勝
地流風話故鄉

栢雲卿太史見訪二首

前人

西園翰墨結因緣

與太史有文字交

聯捷青雲步木天約訂三生盟白水

師承一字勒丹鉛蹉跎桂苑慚吾拙

余屢荐不售

侍從楓宸愛汝賢勉

策駑駘酬厚望相期忙着祖生鞭

其二

文星耿耿照鱸堂上界猶聞案吏香
盛會他年參鹿宴新詩指日
報鴻章齊竽慚對冰壺朗魯縞榮邀玉尺量
海立雲垂君譽過雍
容祇好是揄揚

古著城

前人

城看著邑最崢嶸
遐想當年衆志成
壤接鵲華山翠秀
星分牛女物豐盈
笙鏞備舉韶臺古
冰鑑高懸潔水清
勝地由來風俗樸
門庭何處覓瓊英

邑俗親迎較俟著之詩異矣

聞韶臺

前人

文宣越國久聞韶
此地流風尙未銷
臺上殘碑凌碧落
空中傑閣煥丹霄
渾忘肉味聽鸞管
戛擊球鳴奏鳳簫
敬仲奔齊遺雅樂
竽吹別殿笑無聊

詠文殊寺靈泉黑霧

前人

虹霓間氣吐靈泉
津擬延平繞瑞煙
拔地青雲凌傑圖
冲天黑霧濟陽縣志
卷十九 藝文志 詩
二十八
出深淵文殊曇現
千秋後名勝區爭
八景先潭上呼龍
騰作雨儲霖爲國
潤桑田

詠郭屯孔子廟

前人

棲遲恰是杏花村
憶得宣尼宿郭屯
十哲四科停白屋
一車兩馬駐黃昏
乞靈蠹簡斯文在
載筆麟經大義存
徒駭河濱留廟貌
何殊洙泗匯淵源

詠堞石橋

前人

諸君何不任逍遙
堞石巉巖異板橋
髣髴百花排雁齒
依稀萬里鎖虹腰
薰燒綠野憂偏劇
擾攘紅塵意獨消
拋却繁華平日志
遊人雖衆客情超

五言絕句

觀峨吟

黃 臣

童年有夢兆絕頂賦峨詩此日真登覽宛如清夢時

其二

匪但接峨眉而深賞峨趣夜坐苦吟時明月上峨樹

贈別張廣文繼窗

王琢璞

冷官殊類隱何事賦歸與出岫仍還岫白雲任卷舒

其二

時節逢搖落東籬菊正芳雕山今處士不讓古柴桑

憶成都嚴君平揚雄宅

二宅相近在成
時俱曾遊之

李生麟

濟陽縣志

卷十九 藝文志

詩

二十九

子雲閣上災早識到頭來何若君平卜垂簾下市迴

其二

良臣擇主事良鳥擇枝棲富貴浮雲似踟躕日欲西

七言絕句

謁聖林

楊文郁

悠悠往古繼來今天地無私照孔林兩到金絲堂下拜此生無負

百年心

暮春

魯 辛

韶華一夜減春妝冷落紅梅瘦海棠看得東風還有意隔牆吹過

紫薇香

新河

前人

陽關西出暮雲多
水泊荒村入棹歌
自惜東山今夜月
平分一半在新河

重陽後邢信卿過訪

高有恆

依然黃菊滿東籬
猶是陶家載酒期
攜手逢君須盡醉
離羣明日各淒其

聞韶臺

侯加乘

清水河灣古寺東
層臺俯瞰梵王宮
登臨漫說聞韶事
肉食何人識大風

秋日濟水泛舟

尹亨邑人

濟陽縣志

卷十九

藝文志

詩

三十

滿河風浪逼扁舟
詞客乘春一醉遊
散髮長歌天欲暮
落花流水共悠悠

其二

夾岸桃花撲酒香
望來烟水更茫茫
風流不減山陰興
夜半迴舟興更狂

和邢信卿郊行懷舊

楊泰

西墅空餘草色青
金蘭益友恨飄零
同遊故蹟依然在
不見當年問字亭

答迴河慈光寺僧

楊巍

茫茫雲海一間身
莫問七旬與八旬
迴首常看靈嶽色
桃花峪口

萬年春

信卿曩寄秋懷詩有鄙懷堪自笑之句客或戲論其何所笑

因成一絕

王琢璞

宋玉多悲應有意信卿此笑豈無因欲知所笑笑何事認取秋光

莫問人

登聞韶臺

尹應元 楚人

臺上逍遙倚素秋西風吹木遠悠悠白雲飛渡千年事別有荒涼

一段愁

其二

大荒寒色晝冥冥萬里江湖是客星遊詠一番秋欲暮側身東望

濟陽縣志

卷十九 藝文志 詩

三十一

萬山青

寄白下友人

王言從

鳳凰臺俯大江流畫舸臨風春興稠日暮酒狂迴棹處誰人共上

十三樓

偏涼亭卽事

艾元徵

嶺南初見一花開未許遊人問道來轉惜新鶯無覓處月明獨伴

老僧回

濟陽道中曉行

閔鶚元 學使晉
臬司

輻火熒熒破曉寒長堤宛轉路漫漫韶臺下絲絃靜剩有流澌

響自繁

其二

數行殘綠夾疎黃馬濺銀蹄九月霜杵臼聲中村落小幾家香稻

得登場

時濟邑偏
被水災

八景詩

李師琇

邑教諭

濟水澄波

莫認人間要路津澄泓一派滌囂塵欲知聖代恩波遠海宴河清

問水濱

韶臺遠眺

薰絃雅奏久沈沈味淡聲希何處尋肯寄宮牆同肉食高臺仰止

溯元音

濟陽縣志

卷十九

藝文志

詩

三十二

古栢蒼煙

森森古栢冷煙封老幹猶存學舍蹤自是乾坤留正氣嶽靈羞殺

大夫松

奎樓曉日

舊在西南隅
今移於城東

高閣昔連數仞牆移來右界勢堂皇文光炳蔚凌雲漢共說朝陽

勝夕陽

蘇橋曙色

新市城隈蘇武橋迷離曉霧接青霄岸堤垂柳休輕折寸縷絲絲

繫漢朝

禪塔晚燈

豈是星光帶月升西天隱現逗禪燈傳薪寶炬分明在色色空空
悟未曾

靈泉黑霧

騰騰黑霧湧靈泉見說神龍潭底眠知爲蒼生儲浩澤及時霖雨
出重淵

題胡書巢明府壯遊詩草

沈世煒

詞源三峽瀉雲濤我亦高吟興轉豪那得風標清似許袖君詩卷
服君操

又

清時書帶長琴堂繭紙裁詩日幾章聞道春來花滿郭濟陽人不

濟陽縣志

卷十九

藝文志

詩

二十三

羨河陽

奎樓曉望

章承茂

攜屐登臨興自奢涼天秋水燦朝霞林梢數照炊煙起青入城南
佛子家

又

層樓四望接遙空面面窗虛好賦風一鳥飛鳴天地闊遠山疎樹
畫圖中

過錦里懷少陵

李生麟
蘭亭

愁雲慘淡蜀天低村落幾家住灤西漫道吟魂今已散一溪紅樹
亂猿啼

其二

魚龍寂寞匿深秋
鞅掌風塵此地遊
誰為江湖悲白髮
行藏萬古付東流

過卓氏里

前人

誰念三周奠雁鳥
未亡人應憶前夫
堪憐一曲求凰調
偷得殘香配老奴

其二

為賦長門謝相如
千金買賦勝封書
文君漫詠溝頭水
難比長干結髮初

草玄亭

新莽所建

前人

濟陽縣志

卷十九

藝文志

詩

三十四

草玄妄擬古經傳
莽大夫兮亦可憐
亭內無人風月老
垂垂高樹泣寒蟬

晚過王嬙里

卽明妃村在督亢峽旁

前人

峽裏明妃自有村
坡名督亢豈同論
土人盡道王嬙里
環珮誰聞夜月魂

其二

馬上琵琶憶舊蹤
從來直道信難容
畫圖不識春風面
十八拍中恨幾重

敬題中江署壁

并序

前人

時作令中江到任
卽裁陋規萬金不
許約保值月攤費
三日查

獄卽提審張仲林仲儒誤拾賊贓一案外押四日內巡役拿獲越城賊洪廣成究出窩主曹子德起贓給失主陳貢生伊恨贓不全順廣成與二張兄弟夥盜三年凡係張家屋闌門戶一切熟悉及令認之過門不識遂釋二子回家讀書後皆成名廣成刺字發回原籍陝西二子之母每月堂前焚祝後知而戒止之又縣民張鳳翱自殺伊胞兄鳳翔反自稟報云胞兄鳳翔被人殺死及驗尸傷見其神色可疑遂先見伊家中有六歲子帶至署中訊問伊證兇器乃披柴斧早晨尙在尸旁旣而無之後從鳳翱臥室柴堆內搜出與傷口恰對因將衆人開釋一鞫鳳翱盡服遂同兇器血衣解送府司訊無異詞上憲奇之三月後民

無積訟庶民樂業後捐俸建立書院延名師由是文風少振科第時出若周采李汝璜賀珣諸公皆是也而且懲詐騙通商賈南門外江崖至城中大街市樓一片荒涼之景盡成川陝兩湖貿易往來聚貨之場至三年大計上憲考語有云興利除弊不

愧良吏

菁葱佳氣簇羣峯西控三州毓秀濃願立鄉膠培國脈蒸蒸髦士

喜從風

其二

蟻陣蜂衙漫縱橫晚來應覺旅魂驚眼前赤子誰懷抱鼠雀風清

且勸農

詠俎孝子星魁守墓

邑廩生

王匯川 海若

孺慕終身惟有親每從異處見天真若論孝子尋常事歷代何祇廿四人

幽明路隔總神傷未報親恩抱恨長廬墓三年人莫笑古來奇行本庸常

題畫生菜牡丹

劉金鏞

生菜牡丹本野芳寫來豔欲奪天香仙姿真箇羞凡種何怪當年貶洛陽

詠秋海棠

前人

一瓣秋容仲海棠繁華歷盡守清霜西風遞與梅花信莫遣冰人

濟陽縣志

卷十九 藝文志 詩

三十六

上我堂

詠桃

前人

平生瓜果不輕嘗伏熱薰風滿學堂摘去一桃排案上非貪味美愛清香

贈別義學諸生

前人

主賓分袂各西東且坐高樓挹惠風豈是交情如水淡相知都在不言中

別楊子明

王福五

開筵致餞伴羣公話別前期此夜中醴酒滿樽誠特設經年一醉故人風

贈別周揚廷東君 二首

前人

席列東西肯遽拋欣然我酒佐君肴書堂迭次爲賓主可識心交
勝面交

論交日久自忘年一曲驪歌快著鞭潒汭濟濱雖異地鴻飛原不
隔雲天

聞築津浦鐵路而作此

張依渠

南至江干北析津徑蹊獨闢總由人近今中外車同軌萬里長城
不數秦

其二

杞憂懷抱寓真忱魯省公籌百萬金搜索枯囊成義舉恰如精衛

濟陽縣志

卷十九 藝文志 詩

二十七

海填心

其三

喜得中華鐵路修雷奔電掣快於舟穆王轍迹盈天下漫說瑤臺

八駿遊

其四

道記皇王本蕩平金車火燃自流行須與千里風雲變深幸當年
衆志成

丙申科試聞捷 二首

張依渠

英才教育劇關情蕊榜同登說姓名報寄泥金飛馬至遊庠食餼

八門生

堂弟依泮舍姪家杲科試高第指日補廩堂孫儒範德範
與張生夢濱路生逢辰王生成雨謝生芳林同遊泮水滿

縣桃李多所栽
培故喜而賦之

其二

菁莪培植已多年玉筍班排上第聯奮爾鵬程知遠大更期忙着
祖生鞭

身世八詠

張依泮
魯泉

稚齒隨侍蓬萊誦讀二十年

猶憶童年事遠遊蓬萊島裏度春秋趨庭詩禮韶光好回首匆匆
不再留

童試鄉試得意之時恆少少年精銳之氣全消於此

寸晷風簷較短長才疏那有好文章記曾三戰三沒鍛銳氣全消

濟陽縣志

卷十九 藝文志 詩

三十八

角逐場

年未三十卽館於外以助事蓄之不足

伊誰肯作狢獠王無奈家貧屢絕糧慚懦弱年梟比坐舌耕幸免
硯田荒

始辦學堂邑人咸以洋學目之大半裹足僕在登習此故

首膺堂長職

科試全停學校開宏開學校育英才當年全縣狐疑日曾上文壇
掌教來

有友掌兵豫省電召而往既至始知軍中諸事與書生不

宜

世局紛拏混戰中書生斗膽亦從戎歸來始識沙蟲變不比尋常
劫數同

初入宦途例須聽鼓不愜於心而去友人云生今之世尚
思待弓車耶一時傳爲笑柄

迂拙無謀枉讀書良朋誚我候弓車逢迎不識根天性那肯侯門
日曳裾

出仕本意冀以行吾所學既登舞臺始知險惡萬分急致
仕歸

宦海無端學泛槎風濤險惡更無涯急流猶幸收帆早徒悔臨淵
一念差

濟陽縣志

卷十九

藝文志

詩

二十九

准辭文到慶幸已極念及先世文祖仕鄂仕陝曾與著虎
口餘生之邊大綬君一同致仕同一感慨

仔肩謝去一身輕再到田園再讀耕聞說先人秦楚返也曾虎口
慶餘生

離亂八詠

張依泮

豫省歸來本擬伏處鄉間從事耕稼孰意匪燄大熾不能
一日居

脫出樊籠徼倖歸田園樂趣惜全非此身已似驚弓鳥爲避絃聲
又遠飛

匪警傳來倉皇出走途長心急轉恨車遲

亂世良民犬不如顛連何日慶安居倉皇出走長途急轉恨蹇驢
博笨車

在豫慨兵匪不分回魯視之尤甚民所以無一日安者咸
出於此

孰是匪兮孰是兵匪兵到底欠分明如梳如篦良民苦又示餘威
槩貫嬰

疇昔之匪搶掠財物今則搶掠而外兼之綁票民無生氣
矣

赤眉銅馬太猖狂擄去良民等豕羊鼎鑊刀俎誰忍得贖來倒篋
又傾箱

濟陽縣志

卷十九

藝文志

詩

四十

匪至奔逃舉家離散雖夢中嚙語亦盼太平

流離顛沛有誰憐家族奔逃各一天團聚何時終日盼夢中也祝
太平年

避亂來省瞬已五年其間戊辰一變庚午一變驚惶與遇

匪同

爲避妖氛去故鄉稷門彈指五星霜禍機不定何時發兩見通衢
作戰場

故鄉匪瞰多次皆以嚴備不敢前鄰村殘破殆遍我圩獨
全守禦者不爲無功

萑苻遍地啓兵戎危堡獨存守禦功寄語故園諸子弟好團衆志

始終同

避禍多年舉家幸得瓦全

禍亂相循豈偶然流離轉徙記年年未逢凶煞邀天幸頂禮焚香

慶瓦全

時事八詠

自更國體咸存幸福希望乃每歲兵爭閭閻苦矣

撤去君王國體更那堪南北起紛爭干戈不息閭閻苦願得偉人

鎮太平

自清季軍興以來掌兵之人大半崛起

戰雲瀰漫罩神州兵馬年年迄未休草澤英雄乘運起朝爲豎子

濟陽縣志

卷十九

藝文志

詩

四十一

夕封侯

濟南五三之炮聆者刻骨銘心不知光緒甲午蓬萊之炮

正與此同特聞兩度者鮮耳

國勢不張狄亂華曾聽兩度炮開花垂涕願告操戈者莫忘仇人

敵自家

軍餉無着不得不求之民間乃此去彼來小民之脂膏盡

矣

敲剝頻仍到處同誰憐十室九家空脂膏刮去泥沙用幾見民窮

國不窮

中國幾次分裂得人心者卒能統一之

國是紛紜喚奈何伊誰統一舊山河民心卽是天心在自古成功
得道多

庚午一役有到我村徵糧秣者出納稍遲幾用炮轟

禍結經年苦用兵黃流滾滾炮飛鳴沿村搜括徵糧秣反說壺漿
簞食迎

八方風雨會中州爲某名世壽某軍人之聯庚午一役人
皆謂此句成爲讖語故詠時事者多用之

善戰將軍志未酬八方風雨會中州男兒此去歸何日少婦徒增
夢裏愁

軍政結束訓政開始我國漸有提高國際地位希望

濟陽縣志

卷十九 藝文志 詩

四十二

障礙全除建設初三民主義有專書待當國際爭衡日纔把中華
志氣舒

新世八詠

文化新

世界潮流日轉新新文新理歎無垠勸君莫再拘墟守學得文明
好作人

戰術新

科學新奇愈發明居然空際動刀兵鄉人不識天鵝蛋及地方驚
霹靂聲

庚午飛機拋擲炸彈省垣有天鵝下蛋之謠

街市新

蜃氣樓臺倏忽成滄桑奇變鬼神驚有時散步新都市光怪陸離
耀眼明

衣冠新

爾既推波我助瀾中原誰復漢衣冠最新更有奇衰狀老眼昏花
不忍看

器用新

電車電話豈尋常是否神仙縮地方更有明星燈萬盞通霄直逼
斗牛光

出行新

千里迢遙一瞬中征輪迅速快如風倘君不耐紅塵苦也可凌雲

濟陽縣志

卷十九

藝文志

詩

四十三

上碧空

婦女新

突出閫幃解放身平權學說詎無因是誰喊破癡迷夢從此蛾眉
不讓人

學說新

禮教吞人說太奇青年心理可推知此章未敢加評斷究竟如何
試俟之

家世八詠之一

按先世自有明來濟卽以農爲業今二十三傳無他務者
勤勞稼穡有家傳敦本生涯在力田漫道離鄉農事忘每從夢裏

慶豐年

詠鄜塚

歲貢
席貫一唯堂

古蹟巍峨列目前
邠王演武憶當年
將臺頂上真明遠
乘興登臨

別有天

輓烈婦李趙氏

戊子舉人
陳星爛

闕閱由來未許誇
惟三不朽生無涯
名媛一節照千古
姓氏居然冠百家

其二

尋常節義亦書貞
獨著英奇若性成
夜半家人驚鶴唳
整衣仰臥面如生

濟陽縣志

卷十九 藝文志 詩

四十四

其三

穠李夭桃歲正新
風饕雪虐促青春
惻歸地下無生土
不作人間未亡人

其四

有生如寄死如歸
獲死所人世却稀
文繡全分與姒娣
獨留名節作翬衣

其五

舍生取義正堪欽
况是從容明素心
愧殺鬚眉欠一死
惹人譏笑到於今

其六

以道殉身身殉夫回頭何以慰嫿姑箕裘嗣續憑猶子貞孝一心
面面俱

其七

男兒狀志未能酬賚恨非徒內顧憂一自彤書光漢簡藁砧榮耀
亦千秋

其八

奇節端宜妙筆傳愧無文藻繼雲淵瓣香珠玉揮毫客拋此權當
引玉磚

按吾國自歐風東漸科學昌明不第應世文字趨重質言
卽吟詠一事亦轉變而流爲新體然揚風挖雅固有一種

濟陽縣志

卷十九

藝文志

詩

四十五

天然之韻格而不容泯沒者盡其量以採錄之區區保存
國粹之意亦如是云耳

詩餘

題髑體圖次梅花道人韻

沁園春

張爾岐

試問天公妝來演去何時是休看百樣堪憐人前面孔千場好笑
夜半隱謀計較妍媸商量肥瘦誰肯憑人喚馬牛鬢邊髮星星變
盡尙自持籌 光陰去也如流那兔走烏飛肯轉頭歎絕代佳人
塚邊脂粉擎天大業墓底王侯這段機關若還識破莫向平原問
古邱好和我繁華鬧處細覷髑體

杜宇

滿江紅

張爾岐

杜宇何來抵死的冷啼熱哭都只爲當年情事遭逢太酷萬里河
山鋪錦繡一朝世運成反覆最難堪骨肉寄誰行憐孤獨

濟陽縣志

卷十九 藝文志

詩餘

四十六

矜巧舌文章熟誇善鬥爪趾禿論君臣舊禮空名何贖百口難傳
亡國恨羣鷄且飽官倉穀借東風寄語綠楊枝願多福

夏杪至濟邑寄懷館陶張淡菊

憶舊遊

何明禮

悵馳駒日月一日三秋五百年華幾度金臺外望陶山衛水繡野
雲遮鶯聲叫破春夢春色滿誰家任五月江風高樓玉笛吹落梅
花 嗟嗟敝囊底檢遺編剩句半雜烟霞把酒懷知己想青衫白
首壯志同賒賞音忘味堤畔 曲堤鎮係子
在齊聞韶處 歸信杳天涯看種種相
思暗逐銀蟾繞碧沙

題濟陽李烈婦

調寄壺中天

單朋錫

采風旌烈是隴西賢婦名門淑女噩耗驚聞鴛翼折腸斷罡風盲

雨膝下無兒堂前有母聽離聲苦此生如夢翠尊拚醉鳩羽
釵燕爭惜分飛從容就義攜手泉臺去清白應無遺憾事一例鶯
花塵土志潔寒冰魂歸夜月果證青天路芳型猶在瓣香留得千

古

前題

調寄滿江紅

楊兆蘭

湘亥

巾幗全貞抵多少鬚眉烈節論家世系傳天水名留清潔四載結
襦偕伉儷一身赴義完塵劫遲永訣夢斷望夫山鶻啼血
庭幃隔柔腸結馨香斷孤心竭算分明來去誓歸同穴仙舞青鸞
環佩冷歌餘黃鵠瑟絲咽試認取彤管褒千秋留芳碣

有感

劉仔韶

濟陽縣志

卷十九 藝文志

詩餘

四十七

拋不開愁團傷心深傷心淺心傷怎耐一番番可怨怨東風不爲
吹愁去又吹愁轉 怪不得愁慘傷心易愜心難心愜那求境宴
宴可憐無人爲把愁腸搜搜靜愁緣

贈友

好個黃花黃又是一家晚節香歸且徐商住也何妨眼看佳色能
傲霜貺寶兮恰當

九秋過錦里

李生麟

自城都至嘉州有忠武侯祠祠西千餘步卽錦里蓋卽少
陵浣花草堂也中有少陵石刻像

浣花老草堂詩不識浣花人何處惟見古屋野風吹子規一聲山

竹裂千峯萬峯掛白雪長安古道無人行夔府孤城墓砧絕墓砧
絕山鬼逢烏夜曲景陽鐘

弔烈婦李趙氏歌

并序

王 鉞

自新學勃興以來醉心歐化新少年誤會平權自由之說優勝
劣敗之真以恪守秩序爲奴性以囂張恣橫爲文明以聖經賢
傳爲迂闊而遠於事情甚至忠孝節義綱常名教維繫風俗人
心之犖犖大者亦欲掃而空之以便利其私有異己者且排之
擠之窘之辱之醜詆之陰搆之墜之井而下石焉嗚張鷟啄謂
印度以強迫殉節而淪亡亞拉伯以苛律歸德而就衰高句麗
以刻苦女行而并於強隣曾亦思泰西哲學大家諸學說其競
競於倫理顧何如者不其悖歟此實人心風俗危急存亡之秋
人禽幾希之界憂世者亟思得一奇節獨行表彰宣著以爲當
時勸而未有得也適濟陽烈婦死節事聞於此時按節略氏以
笄年淑媛禮門弱質竟能慷慨捐生從容就義此古鬚眉男子
之所難況今日耶且安知氏之烈非激於晚近風俗人心之澆
漓不惜荼毒一身舍生取義以風天下後世耶邑宰榜門以旌
之士林徵詩以詠之用意均不專係乎個人而有望於當世之
旨蓋深遠矣茲將節略次七歌於後庸以傳名媛續烈女焉

歌曰

烈婦死國魂歸綱常扶弱女負腐愧鬚眉嗚呼一歌兮歌莫哀撐

天千尺望夫臺

爲殉夫實警國鳩毒甘如飴精英烈於火嗚呼二歌兮書咄咄擔
當大義出巾幗

坤道立庭教擅勁節壯河山正氣薄雲漢嗚呼三歌兮漫嗚咽孝
子貞婦國之幹

蕙蘭質金石堅慷慨赴死易從容就義難嗚呼四歌兮古井寒女
界竟有文文山

慰尊嫜續後嗣俯仰兩無憾匹夫不奪志嗚呼五歌兮歌聲嘶古
不恆有今見之

表宅里被聲詩死者長已矣生者領其益嗚呼六歌兮聲漸激不

濟陽縣志

卷十九

藝文志

詩餘

四十九

弔貞魂振國恥

英節烈日月光同胞四萬萬感此胥愴惶嗚呼七歌兮慨以慷四
維張兮國度強

歎世

關邪說
調寄浪淘沙

張還午

瓦缶競雷鳴邪說縱橫發言那個咎盈庭惟盼東山重振鐸萬喙
銷聲 派別太紛更誰集大成蝸蟻一時沸如羹日月重光燭火
息教化休明

有感

用前
調

前人

世局險如兵閭地豪橫迷陽陡起害吾行幾見兇殘能歷久斷了
根莖 塵世亂蓬蓬奔走西東那知擾攘一場空石富范貧皆是

命上問蒼穹

家訓

用前調

前人

舉趾重農功圖載豳風由來坐吃定山空欲取塵禾不稼穡太也
昏瞢 矍鑠白頭翁自笑冬烘當年也到文壇中但願後人多審
慎莫改儒風

田家樂歌

張依泮

田家之樂樂如何聽我信筆歌一歌到春來日方和于耜舉趾莫
蹉跎春雨一犁晴更好百穀播種到東坡到夏來雨澤多孫孫戴
笠兒披簑胼手胝足勞不覺槐蔭一覺寐無訛到秋來鎌新磨父
兄弟子去刈禾鄉村八月閒人少婦女忙飯且停梭惟有冬來樂

濟陽縣志

卷十九

藝文志

詩餘

五十

更多場圃收束勞碌過早完糧漫催科南簷曝背破衲拖軍國事
隨便說說得高興笑哈哈他爲甚動干戈笑他爲甚爭山河笑
他鐵血主義却爲何人在世間一剎那龍爭虎鬥爲甚麼曾如俺
莊家老兒無偏頗靠天吃飯名利不貪自有天造地設的安樂窩
此民國二年所作當時雖云革鼎禍亂尙未波及鄉間故尙可
如此着筆乃近十數年來賦稅加至倍蓰兼以零星苛斂小民
竭終歲之所入不足以應官家之需求况戰事影響無一縣無
一鄉無一村甚至無一人而不上土匪蹂躪者顛連困苦瑣屑
流離方且逃避之無所又安有安樂窩之足云噫環視九州何
省出偉人卽何省罹禍劫此殆天數未可盡歸罪於人歟

十六年
又記

著述篇目

元

林下集 楊文郁著

明

安厓文集

安厓奏議

安厓詩話

筐山寄傲

登峨山詩

過楊貴妃墓詩 以上俱黃臣著

濟陽縣志

卷十九 藝文志 著述

五十一

雲松詩藁 魯辛著

秋岩疏案參案 戴夢桂著

歸田樂養冊 江南著

草元居詩稿 高有恆著

一映集

破顏集

閑中雜錄 以上俱任光著

怪異新聞 呼守默輯

訓官總要

金邑紀覽

憂旱適情錄

善惡感應錄

以上俱鄺世才著

易經手讀

張承業著

雲萊館集

王琢璞著

信古錄

斯馨館集

以上俱邢其諫著

清

易經說略八卷

書經直解卷四

詩經說略五卷

濟陽縣志

卷十九 藝文志

著述

五十二

儀禮集註句讀十卷

吳氏儀禮考注訂誤一卷

春秋三傳駁義十二卷

夏小正傳注一卷

弟子職注一卷

老子說略二卷

蒿菴集三卷

蒿菴閒話二卷

靳濟藝文三卷

濟陽縣志九卷

逸

以上俱張爾岐著

尚書通義五卷

張爾崇著

安寓詩定本

王言從著

易經會通

書經會通

左傳詳解

離騷合參正解

唐宋八大家評選

十二代詩選

待覺齋治安策略

備邊策要

濟陽縣志

卷十九 藝文志

著述

五十三

如如子原道一篇賦三篇祭告中嶽詩百篇雜詩四卷

以上俱艾元徵著

遊古沙草

平安集

燕邸草

白雲亭草

別墅里言

騎牛歌

寫意盆花譜

唐詩註解易知集

故事瑣談 以上俱艾恂著

河防芻議 高廷棟著

喪禮註 王公鳳著

西征紀略 李生麟著

周易義象本旨

詩經序解

書經序解

春秋集傳

禮記補註

四書辨疑

濟陽縣志

卷十九 藝文志

著述

五十四

楚辭正解

唐詩讀本

齊家要覽

自訂書藝 以上俱任尙德著

能知止齋文抄

能知止齋詩集

日記 以上俱柏錦林著

增廣人物串珠

四書典林續編 以上張還鍾著

濟陽鄉土誌 王昭佑著

贊育真詮 艾依塘著

素經釋義

難經釋義 以上丁紹誠著

愚山堂四書旨要

二十二省地理誌要

治家格言詩

吟香館分韻詩

張氏家訓 以上俱張依渠著

尚書淺注

毛詩說略

濟陽縣志

卷十九

藝文志

著述

五十五

學庸易解

論說新編

批點四書朱子本義匯參 以上俱艾紫東著

心齋日記

喪禮必須

金經要略補註

醫學三字經解 以上俱王福五著

槐蔭文集

古學辨體錄

孝經解

二十四 孝悌 詩解 以上俱張壽山著

周易註解管見 孫毓祥著

魯大整理意見

新泰煤田概況 以上何天民著

魯論指徑

學庸尋徑 以上王世勰著

周易引鑑

易經會解

蒙養傳薪

傳家寶鑑

濟陽縣志

卷十九

藝文志

著述

五十六

養正齋詩集 以上俱洪偉烈著

論語素註

艾氏叢書 以上艾紹全著

孟子集註

五子近思錄 以上王丕承著

綱鑑集要 王永建著

濟陽縣志卷十九終

